

Ni Pangulong
Dieter F. Uchtdorf
Ika-duhang Manuglaygay
sa Unang Panguluhan



Makita Bala Naton ang Cristo?

Isa ka gab-i ginabasahan sang istorya sang isa ka lolo ang iya apat-ka-tuig nga apo nga babayi sang magtangla ini kag magsiling, “Lo, tan-awa bala ang mga bituon!” Ang tigulang nagyuhum kag nagsiling, “Ari kita sa sulod balay, pangga. Wala sang mga bituon diri.” Pero ang bata namilit gid, “May mga bituon ka sa imo kuwarto! Tan-awa!”

Ang lolo nagtangla kag, sa iya kakibot, natalupangdan nga may madamo nga mga nagainggat-inggit sa kisami. Indi ini makit-an pirme pero kon matabuan nga masilakan sang suga ang mga nagainggat-inggit, matuod nga kon tulokon ini daw nagabanig nga mga bituon. Ginkinahanglan ang mga mata sang isa ka bata agud makita ang mga ini, pero yara gid man sila (ang mga nagainggat-inggit). Kag sumugod sadto, kon ang lolo magsulod sa sining kuwarto kag magtangla, makita niya ang wala niya makit-i sang una.

Nagapakadto kita sa isa na naman ka manami nga tion sang Paskua nga puno sang musika kag mga suga, mga pagtipon-tipon kag mga regalo. Apang sa tanan nga mga tawo, kita nga mga miyembro sang simbahan nga nagadala sang ngalan sang Manluluwas kinahanglan magtulok sing labaw sangsa panggwa nga dagway sang tion kag talupangdon ang maka-inspirar nga kamatuoran kag katahum sang sining tion sang tuig.

Pila ayhan sa Betlehem ang nakahibalo nga didto mismo, malapit sa ila, nabun-ag ang Manluluwas? Ang Anak sang Dios, ang ginahangad kag ginapromisa nga Mesias—Sia yara sa tunga nila!

Madumduman bala ninyo kon ano ang ginhambal sang anghel sa mga manugpahalab? “Kay natawo sa inyo karon nga adlaw sa banwa ni David ang Manluluwas, nga si Cristo nga Ginuo.” Kag sila naghinambalanay, “Makadto kita karon sa Betlehem, kag tan-awon ta ining butang nga nahanabo” (Lucas 2:11, 15).

Subong sang mga manugpahalab sadto, kinahanglan naton maghambal sa aton mga tagipusuon, “Tan-awon ta ining butang nga nahanabo.” Kinahanglan naton handumon ini sa aton mga tagipusuon. Talupangdon naton ang Balaan sang Israel sa pasungan, sa templo, sa bukid, kag sa krus. Subong sang mga manugpahalab, himayaon kag dayawon naton ang Dios para sining mga balita sang dakong kalipay!

Kon kaisa ang pinakamabudlay makita nga mga butang amo yadtong yara man lang gali sa atubang naton. Subong sang lolo nga wala makakita sang mga bituon sa kisami, indi naton kon kaisa makita inang mahapos gid lang makit-an.

Kita nga nakabati sang mahimayaon nga mensahe sang pagkari sang Anak sang Dios, kita nga nagadala

sa aton mga kaugalingon sang Iya ngalan kag nagpahi-sugot nga maglakat sa Iya banas bilang Iya mga disipulo—indi kita dapat magpatumbaya sa pagbukas sang aton mga tagipusuon kag mga kaisipan kag makita Sia sing matuodtuod.

Ang tion sang Paskua tuman kanami sa madamo nga paagi. Tion ini sang mga buhat sang kaluoy kag paghigugma sa isigkatawo. Tion ini sang pagmangin mas mahunahunaon parte sa aton kaugalingon nga mga kabuhi kag parte sa madamo nga mga bugay nga yara sa aton. Tion ini agud magpatawad kag mapatawad. Tion ini sang pagkalipay sa musika kag mga suga nga naganigpat, mga pagtipon-tipon kag mga regalo. Apang ang kainggat sang tion indi gid dapat magpadulom sang aton pananawan kag magpugong sa aton nga makita sing matinud-anon ang Prinsipe sang Paghidaet sa Iya kahalangdon.

Himuon naton tanan ang tion sang Paskua sini nga tuig nga isa ka tion sang pagpangalipay kag pagselebrar, isa ka tion sang pagkilala naton sang milagro nga ang aton Dios nga Gamhanan nagpadala sang Iya Bugtong nga Inanak nga si Jesucristo agud tuboson ang kalibutan!

MGA IDEYA SA PAGTUDLO GIKAN SINING MENSAHE

1. "Ang mga kahiwanan sa pagkuha sang atensyon sarang maggamtit agud magpukaw sang interes kag agud buligan ang mga nagatuluon nga magsentro sang ila atensyon sa topiko sang leksyon. . . . Ang mga larawan importante nga mga materyales sa pagpabakod sang mayor nga ideya sang isa ka leksyon kag sa pagbulig sa mga nagatuluon nga magpamati sing maayo" (*Teaching, No Greater Call* [1999], 160, 176). Sa inyo pagsugod sa pagpaambit sining mensahe, hunahunaa ang paggamit sang kahiwanan sa pagkuha sang atensyon pareho sang pagpakita sang isa ka larawan ukon pagpaambit sang balaan nga kasulatan kag pagpangabay sa pamilya sa paghunahuna parte sa kon paano ini nagaangot sa mensahe.

2. "Ang isa sang inyo pinakaimportante nga mga lalab-uton amo ang makabulig sa iban sa pagdapat sang mga prinsipyo sang ebanghelyo sa inadlaw-adlaw nga mga sitwasyon. . . . Buligi ang mga nagatuluon nga

madiskubre ang mga bugay nga nagaabot kon ipangabuhi naton ang ebanghelyo" (*Teaching, No Greater Call*, 159). Pagkatapos nga ipaambit ining mensahe, hunahunaa ang pag-agda sa mga miyembro sang pamilya sa pagpaambit sang ila mga eksperiensya sang ginsentro nila ang ila igtalupangod sa Manluluwas sa tion sang Paskua.

LAMHARON

Paskua sang isa ka Misyonero

Ni Loran Cook

Sang ika-duha ko nga Paskua bilang isa ka full-time nga misyonero, ako kag ang akon companion nagbisita sa isa ka bag-o lang ginbunyanan nga miyembro kag sa iya pamilya. Pagkatapos sang isa ka manami nga Noche Buena, nagpaambit kami sa ila sang isa ka mensahe sang Paskua.

Ginpangabay namon ang pamilya nga magdrowing sang mga larawan sang mga bagay nga nagapah-numdom sa ila parte sa tion sang Paskua pareho sang mga bituon, mga regalo, pagkatawo ni Jesus, kag mga Christmas tree. Nagbasa kami dayon sang balaan nga mga kasulatan, kalakip na ang 2 Nefi 19:6: "Kay sa aton isa ka bata ang nabun-ag, sa aton isa ka anak nga lalaki ang ginahatag; kag ang pagbulut-an manginsa iya abaga; kag tawgon ang iya ngalan, Makatilingala, Manuglaygay, ang Dios nga Gamhanan, Ang Amay nga Nagapadayon, Ang Prinsipe sang Paghidaet." Nagkanta kami sang "Once in Royal David's City" (*Hymns*, no. 205), naglantaw sang isa ka sine parte sa Pagkabun-ag ni Jesus [Nativity], kag nagpaambit sang panaksihon parte kay Jesucristo.

Isa yadto ka Paskua sa simple lamang nga mga sirkumstansya nga malayo sa amon mga pamilya kag sa kinaandan nga mga selebrasyon sang Paskua, apang sa amon pagpaambit sang panaksihon parte sa Manluluwas, nabatyagan ko ang mas dako nga pagpalangga kag pagpasalamat sa lya kag sa lya pagkabun-ag. Narealisar ko nga ini mangin katapusan ko nga Paskua sa full-time nga pag-alagad bilang misyonero sa akon Amay nga Langitnon, apang nahangpan ko nga ang lya Espiritu makapamatuod sa akon parte sa lya Anak bisan diin man ako.

MGA KABATAAN

Pagtan-aw agud Makita ang Manluluwas

Si Pangulong Uchtdorf nagsiling nga sa tion sang Paskua dapat kita magpangita sang mga butang nga nagapanumdom sa aton parte sa kabuhi sang Manluluwas. Tanawa sa mga palasandigan sang balaan nga mga kasulatan

sa idalom agud mahibaloan ang parte sa pila ka importante nga mga hitabo sa lya kabuhi.

Mateo 2:1–2

Lucas 2:46

Mateo 15:32–38

Lucas 8:49–55

Lucas 23:33–34, 44–46

Juan 20:11–20



Ang Aton Responsibilidad sa Pagpartisipar sa Buluhaton sa Templo kag Family History

Tun-i ining materyal kag, sa nagakaigo, hambali ini upod sang mga sister nga inyo ginabisita. Gamita ang mga pamangkot agud buligan kamo sa pagpabakod sang inyo mga sister kag himuong ang Relief Society nga aktibo nga bahin sang inyo mismo kabuhi.

Sa mga dinag-on, madamo nga mga tawo ang nagkalamatay nga wala makahibalo parte sa ebanghelyo. Ang pila sadto sa mga tawo ang inyo malapit kag malayo nga mga paryente. Nagahulat sila sa inyo nga maghimo sang kinahanglanon nga pagsayasan agud isugpon ang inyo mga pamilya kag hikuton ang nagaluwas nga mga ordinansa para sa ila.

Ang kalabanan sang mga templo sa kalibutan indi gid tuman kasako. Ang Ginuo nagpromisa nga ang inyo mga tagipusuon magaliso sa mga amay agud nga ang duta indi pagsakiton sing tuman sa Iya pagkari (tan-awa sa D&C 2:2–3).

May yara sang personal nga mga bugay nga inyo mabaton bilang resulta sang pagpartisipar sa buluhaton sa templo kag family history. Isa sini amo ang kalipay nga inyo mabatyanan sa inyo pag-alagad sa inyo mga katigulangan. Ang isa pa gid amo nga mangin kaangay kamo para sa temple recommend, nga nagapakita sang inyo katakos sa atubangan sang Ginuo. Ang yadtong indi takos sa karon sang prebilihiyo sa pag-angkon sang isa ka recommend dapat makig-angot sa isa ka bishop ukon branch president agud makakuha sini sa labing madali nga panahon. Palihog indi pagtugoti nga wala kamo sining importante kaayo nga kwalipikasyon.

Nagasaksi ako nga ang Pagbayad-Sala [Atonement] ni Jesucristo natabo gid kag nga ang mga sala sarang mapatawad sa husto nga paghinulsol.

Sa aton pagpartisipar sa buluhaton sa templo kag family history, siguro kita nga makaangkon sang Espiritu nga magpasulhay sa aton sa mga hangkat nga aton ginaatubang kag maggiya sa aton sa importante nga mga desisyon. Ang buluhaton sa templo kag family history kabahin sang aton buluhaton sa paghatag sang kaumpawan, ukon pag-alagad, sa aton kaugalingon nga mga katigulangan.

Julie B. Beck, pangkabilugan nga pangulo sang Relief Society.

Gikan sa Balaan nga mga Kasulatan

Malachi 4:5–6; 1 Mga Taga-Corinto 15:29; 1 Pedro 3:18–19; D&C 110:13–16; 128:24

Gikan sa Aton Kasaysayan

“Ang Propetang si Joseph Smith nagsiling, ‘Ang pinakadako nga responsibilidad sa sining kalibutan nga ginpahamtang sang Dios sa aton amo ang pagpangita sang aton mga minatay’ (*History of the Church*, 6:313). Halin sa pagsugod, ang mga sister sang Relief Society nagsakdag sining dako nga buluhaton. Sa Nauvoo sang 1842, ang handom ni Sarah M. Kimball nga magbulig sa

mga tawo nga nagatukod sang templo nagtulod sa isa ka grupo sang mga sister nga mag-organisar sang ilang kaugalingon agud nga ma-kaalagad sila sing mas maayo. Sang nagaugod sila sa pagsinapol, ang Propeta . . . nag-organisar sang una nga Relief Society suno sa sulukdan sang priesthood. Sumugod sadto, ang mga sister sang Relief Society nagbulig sa pagpauswag sang buluhaton sa templo sang Nauvoo. . . .

“Sang 1855, walo ka tuig ang nagligad sang una nga mag-abot ang mga Santos sa Utah, ang Endowment House ginpasad. Si Eliza R. Snow, nga nangin isa sang oriinal nga mga miyembro sang una nga Relief Society kag nagpreserba sang mga rekord sinang organisa-yon, gintawag ni Pangulong Brigham Young sang 1866 nga mangin ang pangkabilugan nga pangulo sang Relief Society. Sia kag ang iban pa nga mga sister nangin matutom nga mga kabulig sa Endowment House. Dayon, sa pagkahuman sang mga templo sang St. George, Logan, kag Manti, ining mga sister nagbiyahe sa tagsa ka templo agud mahikot nila ang buluhaton para sa mga minatay didto.”¹

TANDA

- Mary Ellen Smoot, “Family History: A Work of Love,” *Ensign*, Mar. 1999, 15.

Ano ang Sarang Ko Mahimo?

1. Paano ko mabuligan ang akon mga kauturan nga babayi sa pag-pangita sang ila mga katigulangan kag paghikot sang mga ordinansa sang templo para sa ila? Hunahunaan ang mga sirkumstansya sang tagsa ka utod nga babayi samtang ginabinagbinag ninyo kon paano masabat ang iya mga panginahang-lan. Mahimo ninyo hunahunaon nga ang buluhaton sa family history sa masami makapabakod sang bag-o, nagbalik, kag di-gawa aktibo nga mga miyembro.

2. Sang san-o bala ang buluhaton sa templo kag family history nagpasulhay sa akon sa mga hangkat nga akon ginaatubang ukon naggiya sa akon sa importante nga mga desisyon?

Para sa dugang nga kasayuran, maglog-on sa www.reliefsociety.lds.org.